

Mbeti á Polo sú fœ azu Filipino Tshatshu o'o

Asœ koedœ mbeti á Polo sú fœ azu Filipino. Filipino koedœ ongbo utshunœ læ Eropa á Polo yisœ Ɔtsho o'o nœ Yisu Kristu lænce læ bisha ana gene koeyisœ o'o ama Ndjaba nœ ye.

Loka á endje za lima Polo vwi ga læ kanga 6a læ Roma, læ Efeze too læ Sezaré, ayindœ Yisu tshelœ Filipino ngbœa lima œœ nœ endje á vwa manda ye dœ yanga endje bale á i'iri ye koedœ Epafrodite. Mbœœœ toenœ ataa á Polo sú mbetinœ asœke ndœ kœgi mershe fœ azu Filipino, yé á pa ndje fœ endje adœke endje shi gbi læ koeyindœœœ nœ endje. Endje vwaratœ endje tœ koeyisœœœ nœ azu á sœ kpi tœ o'o ama Ndjaba, yé œ fafa tshangba endje fœ Ndjaba nene. Tshe kpa pa fœ endje adœke endje œdœ œne wuta bale dœ Kristu.

Ɔgbœ o'o tshala mbeti nœ Polo asœke koedœ adœke, azu sœ dœ yanga læ œœœ kœ á wuta ga tœ endje mangba Yisu.

Mbetinœ kurutshelœtœ ye atake:

- Abala (1.1-11)
- Soro koedœ Kristu (1.12-30)
- 'E za mara gbetshelœ nœ Kristu (2.1-18)
- Atimote dœ Epafrodite (2.19-30)
- Mara koewuta uzu ndjii utshu Ndjaba (3.1-4.9)
- Mershe nœ Polo fœ azu ogo Filipino (4.10-20)
- Ndœngœ abala (4.21-23)

Abala

¹ Ēmœ Polo œdœ Timote, a'a dœ aayi akwa nœ Yisu Kristu, 'a sœ kœsu mbetinoe asœke fœ 'e dœ ayerœ azu nœ Yisu Kristu para kɔkɔ ɔa lakpi Filipo, dœ agbozu Ikrizia œdœ ndje aayi akwa tshelœ Ikrizia.

² Kaka Aba azœ dœ Ndjaba œdœ Gbozu Yisu Kristu ma ɔtshɔ lɔsu nœ endje ga ndœ 'e, yé œ za kœsœ gee nœ endje fœ 'e.

Avwala nœ Polo tœ upu nœ azu Ikrizia

³ Ɔlɔ kɔ á mœ kœsœ kœgbe dœ 'e, mœ sœ kœgi mershe fœ Ndjaba nœ mœ.

⁴ Ē kœsœ adœke mœ za avwala nœ mœ fœ Ndjaba tœ upu nœ 'e, mœ sœ kœza toenœ dœ yanga,

⁵ mbœrœ mara á 'e sœ kœti kane mœ lœ kœmindœ Ɔtshɔ o'o nœ Kristu kœto tœ ali olo œrrr ga tœ ngɔngɔ asœke.

⁶ Adja mœ wusœ nœ adœke Ndjaba á tshe te lima tœ kœmbœrœ ɔtshɔ akwa ugurutœ 'e asœmœ, tshe sœpe kœmbœrœ toenœ œrrr ga tœ kœkwa Yisu Kristu.

⁷ Ē sœ dœ ɔtshɔnœ adœke mœ sœ dœ gbetshelœ atamœ ga ndœ 'e para kɔkɔ. Mœ sœ kœgbɔndœ 'e ga tœ lɔsu mœ. Gbambanœ nene, 'e ti kane mœ waa lœ akwa á Ndjaba za fœ mœ lœ ɔtshɔ lɔsu nœ ye œdœ dœ lɔkɔ á mœ sœ ɔa lœ kánga œdœ ndje dœ lɔkɔ á mœ gugu lœ kánga nene, mbœrœ kœma ngbi adœke Ɔtshɔ O'onœ kœdœ adjapu yé azu sœ kœka ga mangba nœ.

⁸ Ndjaba wusœ nœ dœ ɔtshɔnœ adœke mœ yindœ 'e para kɔkɔ waa dœ kœyindœsho á to lœ Yisu Kristu.

⁹ Æ koesoe adoeke mœ sœ kœza avwala nœ mœ fœ Ndjaba tœ upu nœ 'e, mœ sœ kœki adoeke 'e yindœ Ndjaba yé œ yi ndje ndœtœ 'e tapanœ kpuru, tshe to kœwusœrœ fœ 'e yé œ kãrã ala 'e,

¹⁰ yeka á 'e kœwusœ kœke œrœ á sœ dœ otshãnœ ndœ kœmbœrœ tœnœ. Atamœ 'e wuta azu á ekperœ gugu lœ endje nene, á anga œrœ kœgbagbara endje tœnœ œ gu nene dœ lãkã kœkwa Yisu Kristu,

¹¹ dœ mara adoeke œeneke kã á 'e mbœrœ dœ adja otshãrœ á na ga ndœ azœ lœ awa nœ Yisu Kristu, mbœrœ kœgi mokã fœ Ndjaba yé œ donga she.

Soro kœdœ Kristu

¹² Aaya mœ, mœ yindœ nœ adoeke 'e wusœ o'onœ asœke: Æneke á wuta ga tœ mœ, œ mbœrœ adoeke Otshã O'o na ga utshunœ.

¹³ Mbœrœ tœnœ dá aayi kœgbãndœ anda nœ egerœ gbozu œdœ pe anga azu para kãkã, wusœ nœ adoeke mœ li ga lœ kãnga mbœrœ upu nœ Kristu.

¹⁴ Yé kœwu mœ lœ kãnga, aaya azœ ndjoro sœ kœza lœsu endje ga pa Gbozu dœ mara adoeke, endje tetœ kœpa avwaratœ endje yé endje kpa sœsœ dœ awa tœ kœmindœ o'o ama Ndjaba nene.

¹⁵ Æ dœ adjapu adoeke anga azu sœ kœyisœ œrœ tœ upu nœ Kristu dœ gbetshelœ nœ kœmbœrœ úkú œdœ gbetshelœ nœ kœgbugburu tshelœ o'o dœ mœ, anga endje sœ kœyisœ nœ dœ otshã gbetshelœ.

¹⁶ Endjeneke asœke, endje sœ kœyisœ nœ dœ kœyindœsho ga ndœ mœ, mbœrœ á endje wusœ nœ adoeke mœ sœ lœ kãnga tœ upu nœ kœmbœrœ adoeke azu yi adja ndœ Otshã O'o.

¹⁷ Anga azu, endjeneke á endje sœ doe úkú, endje sœ kœyisœ upu nœ Kristu doe gbetshelœ adœke œne ropa anga œne. Æneke á endje gbe kœmbœrœ tœnœ sœsœ ndjii nene, endje dá yindœ kpa kœwo tshandœ mœ.

¹⁸ Æ mbœrœ œrœ bale nene! Ædœ endje kœyisœ œrœnœ doe ɔtshɔ gbetshelœ too doe ekpe gbetshelœ, kolœnœ adœke endje mindœ upu nœ Kristu. Yé mœ sœ doe yanga tœnœ, mœ sœpe ndje sheko kolœ doe yanga mbœrœ tœnœ.

¹⁹ Gbambanœ nene, mœ wusœ nœ adœke œneke kɔ œ kɔrɔ awa adœke endje vvara mœ lœ kánga mbœrœ á 'e sœ kœza avwala nœ 'e fœ Ndjaba tœ upu nœ mœ yé ɩshiri nœ Yisu Kristu sœ ndje doe mœ awa bale.

²⁰ Ærœ á mœ sœ kœkate doe lɔsu mœ bale, á sœ kœza gbetshelœ nœ mœ djigi ga tœnœ, œtœnœ kœdœ adœke mœ gbɔgbɔ tshula bale nene. Kashe gbetshelœ nœ mœ djigi ngɔngɔ asœke œdœ pe ɔlɔ doe ɔlɔ kœdœ adœke mœ lisœ Kristu doe undu mœ djigi, œdœ lœ soro mœ, œdœ lœ kuzu mœ.

²¹ Gbambanœ nene, ɓa tœ mœ, soro kœdœ Kristu yé kuzu kœdœ kœgbɔ œrœ tshangba akwa.

²² Kashe œ kœsœ adœke mœ sœpe doe soro, œ li doe mœ adœke mœ mbœrœ ɔtshɔ akwa, ataa mœ wuwusœ œrœ á mœ mbœrœ nene.

²³ Mœ sœ ugurutœ o'o bisha á sœ kœgbota mœ: mœ yindœ kœkatœ kœsœ doe soro pa ɔshɔ asœke ndœ kœsœ doe soro awa bale doe Kristu. Ætœnœ dá sœ doe ɔtshɔnœ kœropa nœ.

²⁴ Kashe œ sœ ndje doe ɔtshɔnœ adœke mœ sœpe doe soro mbœrœ 'e.

²⁵ Mbœrœ tœnœ ataa, mœ sœsœ doe sharapu nene. Mœ wusœ nœ adœke mœ sœ doe 'e awa bale

mbœrœ kœko ala mœ tœ 'e adœke 'e gerœ, yé œ sœ ndje dœ yanga lœ kœyindœrœ.

²⁶ Atamœ, lœkœ á mœ kœkwatœ mœ ga ndœ 'e, 'e kpa li kœdonga tœ 'e tœ œeneke á Yisu Kristu mbœrœ fœ 'e lœ awa nœ mœ.

Kœshi gbi lœ koshe

²⁷ Ngœngœ asœke œrœ á ropanœ kœ kœdœ adœke, mara kœmbœrœtœ 'e li dœ Ɔtshœ O'o nœ Kristu. Atamœ œdœ mœ kœna kœwu 'e too mœ kœnana nene, mœ yindœ kœdji adœke 'e sœpe kœru lœsu 'e dœ gbetshelœ bale, 'e sœ dœ lœsu bale mbœrœ kœnga koshe nœ kœyindœrœ á Ɔtshœ O'o yisœ nœ fœ 'e.

²⁸ 'E sœsœ dœ awa ayingba 'e bale nene. Asœmœ dá ma ambára fœ endje adœke awa kuzu endje dá endje za, kashe 'e za œnœ 'e awa kœshe; œeneke á to 6a ndœ Ndjaba.

²⁹ Gbambanœ nene, Ndjaba yisœ Ɔtshœ lœsu nœ ye ga ndœ 'e, adœke 'e wuta azu nœ Kristu. Tshe mbœmbœrœ kolœnœ adœke 'e sœ dœ kœyindœrœ nene, kashe mbœrœ adœke 'e wu ndje oyo tœ upu nœ ye.

³⁰ Ngœngœ asœke, a ngbœtœ koshœnœ á 'e wu mœ kœnga tœnœ adœke azu yi adja ndœ Ɔtshœ O'o. Ɔtœnœ kœdœ koshe á 'e wu mœ lima kœnga tœnœ yé mœ sœpe kœnga tœnœ adœke azu yi adja ndœ Ɔtshœ O'o 6ata á 'e wusœ nœ ngœngœ asœke.

2

'E za mara gbetshelœ nœ Kristu

¹ Bata á kœyindœrœ nœ 'e ga ndœ Kristu za gbœgbœ fœ 'e, yé á kœyindœshœ nœ ye to uvuru

ga lœ 'e, ɓata 'e ngbɔtœ 'e bale dœ ɔtshɔ Ishiri, 'e yindœtœ 'e dœ œ mbœrœ ayo ugurutœ 'e.

² Atamœ, 'e mbœrœ adœke lœsu mœ su dœ yanga mbœrœ kœngbɔtœ o'o ama 'e bale, dœ kœyindœtœ 'e, dœ kœsœ dœ lœsu 'e bale œdœ ndje dœ gbetshelœ bale.

³ 'E mbœmbœrœ œrœ bale dœ gbetshelœ nœ kœropa anga 'e nene, 'e dodonga tœ 'e nene kashe lœ kœzatœ 'e ga ati, 'e wu anga anga 'e ɓata endje ropa 'e ye.

⁴ Uzu gbegbe kolœ dœ undu ye dœ tœ ye nene, kashe œ li adœke tshe gbe ndje dœ anga azu anganœ.

⁵ 'E sœ dœ gbetshelœ ɓata á Yisu Kristu sœ lima dœ tœnœ:

⁶ Mara kœsœ nœ ye kœdœ lima œnœ Ndjaba. Æshe kœdœ lima adja Ndjaba, kashe tshe gbegbe lima kœpara awa kœgbɔndœ kœdœ kolœ Ndjaba nœ ye nene.

⁷ Kashe tshe katœ œneke kɔ á tshe sœ lima dœ tœnœ ti,

yé œ za lima mara kœsœ nœ kanga.

Tshe wuta lima ɓata azu para kɔkɔ,

yé œ za mara kœsœ á azu sœ dœ tœnœ.

⁸ Tshe za lima tœ ye ga ati

yé œ za o'o ama Ndjaba ga tœ akwa lœ œrœ kɔ á tshe mbœrœ œrrr ga tœ kuzu, adja kuzu ɓa pa kurushi.

⁹ Mbœrœ tœnœ ataa, Ndjaba ti she galafo kœropa nœ

yé œ za i'iri á ropa i'iri kɔ fœ she.

¹⁰ Tshe yindœ nœ adœke tœ kœlisœ i'iri Yisu, endjeneke kɔ á endje sœ ɓa lafo, ɓa pa ɔshɔ, ɓa ndœ akuzu,

endje gote ga utshu ye.

¹¹ Yé endje kɔ, endje mindœ nœ adœke

Yisu Kristu kœdœ Gbozu,

6a lœ mokɔ nœ Aba dœ Ndjaba.

Akwa manda kœshe

¹² Ataa, e'e dœ aaya mœ á mœ yindœ 'e waa, 'e sœ lima kœlisœ o'o mœ dœ ɔlɔ kɔ á mœ sœ lima ugurutœ 'e. Bata á mœ sœsœ ugurutœ 'e nene, 'e kpa lisœ nœ ropa nœ. 'E mbœrœ akwa manda kœshe nœ 'e dœ awa kɔ.

¹³ Gbambanœ nene, Ndjaba dá sœ kœmbœrœ akwa ugurutœ 'e, adœke 'e yindœ nœ, yé œ mbœrœ œneke á tshe yindœ nœ.

¹⁴ Ɛ li adœke 'e kparawa kœle lœ ama 'e œdœ kœgbugburu tshelœ o'o,

¹⁵ adœke azu kœgbɔgbɔ ádá kœpa ekpe o'o nœ 'e nene, á kœwuwu ekperœ lœ 'e nene. Atamœ, 'e dœ agbolo nœ Ndjaba á ekperœ gugu lœ 'e nene ugurutœ azu tshapashɔ á endje sœ kolœ kœmbœrœ ekperœ. Ɛ li adœke 'e tshi ugurutœ endje ɔata angerepe á tshi 6a lafo,

¹⁶ lɔkɔ á 'e sœ kœma o'o nœ soro. Ɛdœ 'e kœsœ kœmbœrœ atamœ, mœ sœ dœ yanga lɔkɔ á Kristu œ kwatœ ye, yé œ ma ndje adœke akwa á mœ mbœrœ lima œdœ ili á mœ vwɪ, œ sœsœ gbambanœ nene.

¹⁷ Ɛ kœsœ ndje adœke endje wo mœ, yé indji mœ tu, á gbɔtœ ye dœ tokóró nœ 'e á dœ kœyindœrœ nœ 'e ga ndœ Ndjaba, mœ sœ dœ yanga mbœrœ tœnœ yé e'e para 'e te ndje ga ndœ yanga nœ mœ awa bale dœ mœ.

¹⁸ E'e ndje ataa, 'e sœ dœ yanga yé mœ te ndje ga ndœ yanga nœ 'e awa bale dœ 'e.

Atimote dœ Epafrodite

¹⁹ Ædœ Gbozu Yisu kœyindœ nœ, mœ wusœ nœ adœke mœ vwa Timote 6a ndœ 'e lœ ondonœ asœke, adœke tshe gu dœ o'o tshandœ 'e fœ mœ yeka á mœ kœgbɔ gbɔgbɔ mbœrœ tœnœ.

²⁰ Mœ sœpe kolœ dœ Timote á gbetshelœ nœ ye sœ 6ata œnœ mœ yé tshe sœ kœgbe kolœ o'o nœ 'e.

²¹ Gbambanœ nene, anga udu azu para kɔkɔ sœ kœgbe kolœ o'o nœ kœmbœrœ œrœ nœ endje dœ tœ endje, kashe endje gbegbe dœ upu nœ Yisu Kristu nene.

²² 'E wusœ nœ dœ tœ 'e mara á tshe ma ɔtshɔ akwa nœ ye. Tshe zatœ ye djigi mbœrœ kœmindœ ɔtshɔ O'o awa bale dœ mœ 6ata á gbolo yakoshe œ ti kane abanœ.

²³ Mœ sœ kœgbe kœvwa she fœ 'e œdœ mœ kœwu upu nœ mœ ngbi yekane.

²⁴ Mœ sœ dœ kœyindœrœ ga ndœ Gbozu adœke mœ yi ndje kumu mœ ndœ kœwu 'e lœ ondonœ asœke.

²⁵ Mœ wu adœke œ sœ dœ ɔtshɔnœ kœgi aya mœ dœ Epafrodite, yanga mœ lœ ama akwa œdœ lœ koshe á 'e vwa lima she adœke tshe mbœrœ akwa fœ mœ lɔkɔ á mœ sœ lima lœ oyo.

²⁶ Tshe sœ dœ ogo kpa kœwu 'e para kɔkɔ, yé lɔsu ye sú dœ oyo kœropa nœ mbœrœ á 'e dji lima adœke tshe sœ dœ kɔ6a.

²⁷ Adja Kɔ6anœ za she lima ndoo dœ kuzu, kashe Ndjaba wu oyo ye. Æ dœdœ kolœ oyo ye bale nene, kashe Ndjaba wu ndje oyo mœ mbœrœ adœke adja anga oyo kpa wuwuta ga pa oyo nene.

²⁸ Mbœrœ tœnœ dá mœ yindœ kœgi she katsha fœ 'e adœke lɔkɔ á 'e kpa kœwu she, yeka á 'e kœsœ dœ yanga á átá oyo nœ mœ kœka.

²⁹ Atamœ, 'e za osho kœsœ fœ she dœ yanga kœ ɓata aya uzu lœ ngbɔtœ nœ Gbozu. Æ li adœke 'e lisœ mara azu ɓata she.

³⁰ Gbambanœ nene, tshe yi lima koetshu mbœrœ akwa nœ Kristu. Tshe za undu ye fœ kuzu mbœrœ koeti kane mœ galafo dœ œneke á 'e lili má kœmbœrœ tœnœ fœ mœ dœ tœ 'e nene.

3

Mara kœwuta uzu ndjii ɓa utshu Ndjaba

¹ Yé ngɔngɔ asœ aaya mœ, 'e sœ dœ yanga mbœrœ kœngbɔtœ 'e bale dœ Gbozu.

Mœ wusœ nœ adœke mœ sú lima o'onœ asœke fœ 'e utshunœ ye. Kashe mœ mœ nene ndœ kpa kœsu tœnœ mbœrœ á kœli œrrr ga tœ lœsu 'e.

² Ala 'e gbɔ dœ azu á endje sœ kœmbœrœ ekperœ. Endje sœ ɓata ekpe ayavoro. Endje kœdœ azu á endje sœ kœ'e tœ endje tœ azu nœ Ndjaba mbœrœ á endje za lœsu endje ga pa gaza ɓata egerœ œrœ.

³ Adja azu nœ Ndjaba kœdœ azœ; gbambanœ nene, azœ kœdœ azu á a sœ kœdonga Ndjaba dœ awanœ, dœ gbɔgbɔ nœ Ishiri yé á sœ kœza lœsu azœ ga pa Yisu Kristu, kashe a koko lœsu azœ ga tœ undu azœ nene.

⁴ Andaa, mœ li má ndje kœza lœsu mœ ga tœ undu mœ dœ tœ mœ. Æ kœsœ adœke anga azu gbe adœke œne li kœza lœsu œne ga tœ undu œne dœ tœ œne, mœ li ndje kœmbœrœ tœnœ kœropa nœ.

⁵ Gbambanœ nene, endje wa mœ tœ gaza olo minu dœ votɔ manda kœzu mœ mara á awa akwa pa tœnœ. Ogo mœ kœdœ Israyele yé mara mœ kœdœ Bendjame. Æmœ kœdœ uzu Ebre yé aata

mœ koedœ ndje Aebre. Lœ o'o á wu awa akwa, mœ za lima tœ mœ djigi ndœ nœ, œmœ koedœ lima Farisayi.

⁶ Tœ upunœ koembœrœ akwa dœ egerœ ogo, mœ mbœrœ lima œrœ kanga fœ Ikrizia. Mœ za lima lsu mœ adœke awa akwa œ fa mœ ndjii tœ ala Ndjaba, mbœrœ toenœ ataa mœ sœ lima koelisœ awa akwa waa.

⁷ Kashe œrœ kœ á mœ sœ lima koewu b̄ata œ sœ dœ ádánœ waa, nḡonḡo asœke mœ wu b̄ata œrœ á te tshakane mœ, mbœrœ kœza lsu mœ ga pa Kristu.

⁸ Koeropa nœ, œ doédœ kolœ œrœ bale nene. Mœ sœ koewu œrœ para kœkœ lœ ala mœ b̄ata œ kpa dœ tafo œrœ nene, mbœrœ tafo œrœ á ropa œrœ para kœkœ koedœ koewusœ Gbozu nœ mœ dœ Yisu Kristu. Mbœrœ she, mœ kpa yiyindœ nœ adœke œrœ kœ á sœ lima tœ otsh̄onœ tœ ala mœ, kpa doédœ otsh̄orœ tœ ala mœ nene. Mœ sœ koewu œrœ para kœkœ b̄ata œrœ kœko va ga pa ndikœ, mbœrœ á mœ gbœ Kristu,

⁹ yé á ngb̄otœ mœ dœ she bale. Mœ wuwuta otsh̄o uzu mbœrœ œrœ á mœ mbœrœ lœ awa nœ koelisœ awa akwa nene, kashe lœ awa nœ koeyindœrœ ga ndœ Kristu. Atamœ, mara koewuta uzu ndjii to b̄a ndœ Ndjaba lœ awa nœ koeyindœrœ ga ndœ Kristu.

¹⁰ Ogo nœ mœ adœke mœ wusœ Kristu, dœ gb̄gb̄o á she she lœ akuzu asœmœ yé œ ngb̄otœ mœ dœ she lœ œrœ kanga nœ ye kœ adœke mœ wuta b̄ata she lœ kuzu nœ ye.

¹¹ Mbœrœ toenœ ataa, mœ za lsu mœ ga tœ Ndjaba adœke, mœ she ndje bala lœ akuzu ye.

A kpa ɔɔ ga tɔe osho á a yindɔe kɔewuta ga tɔe nɔe

¹² Mɔe sɔesɔe kɔepa adɔeke mɔe gbɔ ɔerɔe tshangba kɔekpa ɔɔ nɔe mɔe ye nene, too ndje adɔeke mara kɔembɔerɔetɔe nɔe mɔe wuta tɔe ɔtshɔnɔe nene. Kashe mɔe sɔepe kɔepa avwaratɔe mɔe adɔeke mɔe gbɔ ɔerɔe tshangba nɔe. Wu ádánɔe á Yisu Kristu gbe lima dɔe tɔenɔe yeka á ke mɔe.

¹³ Aaya mɔe, mɔe gbege adɔeke mɔe gbɔ ɔerɔe tshangba nɔe ye nene. Kashe mɔe sɔe kɔembɔerɔe ɔerɔe bale: mɔe kpa za ala mɔe ga tɔe ɔerɔe á mɔe ro ga manda mɔe nene, kashe mɔe sɔe kɔepa avwara kɔewuta ga tɔe ɔerɔe á sɔe ɔa utshu mɔe.

¹⁴ Ataa, mɔe sɔe kɔekpa ɔɔ kɔewuta ga tɔe osho á mɔe yindɔe kɔewuta ga tɔenɔe adɔeke mɔe gbɔ ɔerɔe á Ndjaba e azɔe kɔegbɔ ɔa lafo lɔe awa nɔe Yisu Kristu.

¹⁵ Azɔe para kɔkɔ á a dɔe agbozu lɔe kɔeyindɔerɔe, ɔe li adɔeke a sɔe dɔe mara gbetshelɔenɔe asɔemɔe. Yé ɔe kɔesɔe adɔeke 'e sɔe dɔe anga angbi gbetshelɔe tɔe ɔeneke, Ndjaba ɔe yisɔe nɔe ngbi fɔe 'e.

¹⁶ Ataa atamɔe gbaa, ɔe li adɔeke a sɔepe kɔena ga utshunɔe tɔe awa á a tetɔe nɔe ɔerrr kpesheke asɔeke.

¹⁷ Aaya mɔe, e'e para kɔkɔ 'e za mara kɔembɔerɔetɔe nɔe mɔe. 'E ko ala 'e ga tɔe endjeneke á mara kɔembɔerɔetɔe nɔe endje li dɔe ɔeneke á 'a yisɔe nɔe fɔe 'e.

¹⁸ Mɔe pa lima o'onɔe asɔeke fɔe 'e yeka á kpa pa dɔe ngola adɔeke: mara kɔembɔerɔetɔe azu ndjoro sɔe kɔema adɔeke endje kɔedɔe ayingba kurushi nɔe Kristu.

¹⁹ Endje za awa kuzu mbɔerɔe ndjaba nɔe endje kɔedɔe uvu endje. Endje sɔe kɔedonga tɔe endje tɔe

œrœ á za tshula fœ endje yé gbetshelœ nœ endje sœ kolœ ga pa œrœ tshapashœ asœke.

²⁰ Kashe azœ, tshalakpi nœ azœ sœ 6a lafo, 6a tœ osho á sœ kœkate Ayi kœshe azœ, á tshe kœdœ Gbozu Yisu Kristu.

²¹ Tshe fa undu azœ, œnœ tshapashœnœ asœke adœke œ li dœ undu ye œnœ mokœ. Tshe mbœrœ œneke kœ dœ gbœgbœ á za awa fœ she adœke tshe dœ Gbozu pa œrœ kœ.

4

¹ Mbœrœ tœnœ ataa, aaya mœ á mœ yindœ 'e waa, mœ sœ dœ egerœ ogo kpa kœwu 'e. 'E sœ kœmbœrœ adœke yanga nœ mœ sœ tœ egerœnœ yé mœ donga tœ mœ mbœrœ 'e. 'E dœ aaya mœ á mœ yindœ 'e waa, 'e wu mara á li dœ 'e kœshi gbi lœ soro 'e bale dœ Gbozu.

Ærœ á li kœmbœrœ tœnœ

² Mœ za o'o fœ Evodi œdœ Setishe adœke endje sœ dœ gbetshelœ bale mbœrœ endje kœdœ azu nœ Gbozu.

³ Æbœ ndje á bœ doé adja yanga mœ lœ ama akwa, mœ yindœ nœ adœke bœ u ayashe bisha asœke adœke endje katœ kœle lœ ama endje. Gbambœ nene, endje zatœ endje ga tœ akwa dœ mœ ndœ kœmindœ Ōtshœ o'o, awa bale dœ Klema œdœ pe ndje anga udu anga mœ lœ ama akwa para kœkœ á i'iri endje sœ ala buku nœ soro.

⁴ 'E sœ dœ yanga œlœ dœ œlœ mbœrœ e'e kœdœ azu nœ Gbozu. Mœ kpa pa adœke: 'e sœ dœ yanga.

⁵ 'E sœ dœ œtshœ lœsu ga ndœ azu para kœkœ. Lœkœ kœkwa Gbozu ndo ye.

⁶ 'E zaza lɔsu 'e ga lafo mbœrœ œrœ bale nene. Kashe lœ œrœ kɔ, œ li adœke 'e za avwala nœ 'e fœ Ndjaba tœ œrœ á oyonœ za 'e. Yé lɔkɔ á 'e kœsœ kœza avwalanœ, 'e za dœ kœgi mershe.

⁷ Yé kœsœ gee nœ Ndjaba á ropa kœwusœrœ kɔ, œ gbɔndœ lɔsu 'e dœ pe gbetshelœ nœ 'e lœ Yisu Kristu.

⁸ Aaya mœ, ndɔngɔlɔ o'o á mœ yindœ kœpa fœ 'e dœke: œ li adœke 'e gbe kolœ dœ œrœ á sœ dœ ɔtshɔnœ, œrœ á li kœdonga tœnœ, œrœ á sœ ndjii, œrœ á ekperœ gugulœ nœ nene, œrœ á azu yindœ nœ, œrœ á endje lisœ nœ, œrœ á endje pa ɔtshɔ o'o mbœrœ tœnœ, 'e ko œrœnœ kɔ asœke ga lœ kumu 'e.

⁹ Œrœ á mœ yisœ nœ fœ 'e á 'e wusœ nœ, œrœ á 'e dji yé á wu mœ kœmbœrœ tœnœ, 'e za ga tœ akwa. 'E za œneke á mœ yisœ nœ fœ 'e ga tœ akwa. Yé Ndjaba á tshe za kœsœ gee fœ azu, tshe sœ awa bale dœ 'e.

Mershe nœ Polo fœ azu Filipino

¹⁰ Mœ sœ lima dœ egerœ yanga lœ kœsœ bale dœ Gbozu tœ kœwu adœke 'e kpa gbɔ lima awa ndœ kœgbe dœ mœ. Adja 'e sœ lima kœgbe dœ mœ zœ yeka á 'e gbɔgbɔ lima awa ndœ kœyisœ nœ ngbi nene.

¹¹ Mœ sœsœ kœpa atake mbœrœ á mœ sœ dœ ogo kœgbɔ œrœ bale nene. Gbambanœ nene, mœ wusœ kœza lɔsu mœ kolœ ga tœ œneke á mœ sœ dœ tœnœ.

¹² Tœ osho kɔ á mœ sœ tœnœ, lœ œrœ kɔ á wuta ga tœ mœ, mœ wusœ kœru lɔsu mœ œdœ mœ kœsœ dœ kœziœ œdœ mœ sœ dœ ogo, too œdœ

mœ køesœ doe œerœ ndjoro œedœ mœ køegugu doe œerœ køeli doe gbetshelœ nœ mœ nene.

¹³ Kristu sœ køeto gbɔgbɔ fœ mœ lœ œerœ para kɔkɔ á wuta ga tœ mœ.

¹⁴ Kashe 'e mbœerœ lima tœ ɔtshɔnœ køegbe doe mœ lɔkɔ á mœ sœ lima lœ oyo.

¹⁵ E'e doe azu Filipino, 'e wusœ nœ doe tœ 'e adœeke pe doe lɔkɔ á mœ ka lima tœ Masedwane ti mbœerœ køena køetetœ køeyisœ ɔtshɔ O'onœ, anga azu angbi Ikrizia titi kane mœ nene, kolœ e'e dá ti kane mœ lœ awa nœ køeto makabo nœ ngendja fœ mœ.

¹⁶ Lɔkɔ á mœ sœ lima lœ Tesalonike, 'e ti lima kane mœ lœ awa nœ køevwa œerœ á mœ sœ lima doe ogo nœ.

¹⁷ Mœ sœsœ køepara awa adœeke 'e to œerœ fœ mœ nene. Kashe mœ sœ køepara adœeke anga angbi œerœ ndjoro kpa te ga pa œeneke á 'e sœ doe toœnœ.

¹⁸ Mœ gbɔ œerœnœ kɔ á 'e vwa fœ mœ asœmœ yé œ dopa nœ ye. Œerœ á 'e vwa doe Epafrodite fœ mœ asœmœ, œ li adja ngɔngɔ asœke doe ogo nœ mœ yé œ sœ ɓata yombo á tshafunœ ga, á sœ ndje ɓata tokóró á ga tœ Ndjaba, á tshe sœ doe yanga mbœerœ toœnœ.

¹⁹ Yé Ndjaba nœ mœ œ to œeneke kɔ á 'e gugu doe toœnœ nene fœ 'e, lœ awa nœ køengbɔtœ 'e doe Yisu Kristu liaka adja køengba œerœ nœ ye.

²⁰ Kaka Aba azœ doe Ndjaba sœ doe mokɔ waa doe waa. Ame.

Ndɔngɔɔ abala

²¹ 'E za abala fœ ayerœ azu nœ Yisu Kristu bale doe bale kɔ. Aaya azœ á mœ sœ doe endje ɓa ke, bala ndje 'e.

²² Azu nœ Ndjaba para kɔkɔ za abala fœ 'e, yé kœropa nœ endjeneke á endje sœ lœ gbagba nœ egerœ gbozu Sezare.*

²³ Kaka adœke Gbozu Yisu Kristu gbɔndœ ɪshiri 'e lœ awa nœ ɔtshɔ lɔsu nœ ye.

* **4:22** Dœ lɔkɔnœ asœmœ azu nœ Lita para kɔkɔ, endje e lima endje adœke endje kœdœ azu tshelœ anda nœ egerœ gbozugo Roma

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983